

Gregory Millard candidato nobo riba lista di POR



ORANJESTAD – Pa algun tempo tabata tin rumor nan andando cu Gregory Millard lo ta un posibel candidato riba lista di POR. Pa confirma e rumor nan Partido POR recientemente a nombra Gregory Millard como candidato nobo.

Gregory Millard su meta como candidato ta pa enfoca riba nos hobennan y pa conscientisa nan di e beneficio nan di deporte. Den su trabou boluntario el a combersa entre otro cu profesionalnan

den educacion y el a mira un necesidad grandi entre e muchanan den bario, y particularmente e cantidad grandi cu ta bin for di un hogar cu un mayor so. Gregory su punto di salida semper tabata cu the sky is the limit. Esey e kier inspira den e hobennan cu awor kisas ta riba caya, coriendo riesgo pa cay den mal caminda.

Gregory ta kere fuertemente den integracion di inmigrantenan den nos comunidad. Como Arubiano nobo nan tambe merece oportunidad-

nan pa por crece sin wordo discrimina. Pero e mensahe mas fuerte cu The People's Champ kier fomenta den e campaña cu ainda tin nos dilanti ta esun di union y di curashi.

Tur hende mester bringa pa su mesun pan, pero esaki no kiermen cu mester kibra otro, por ehempel pa via di diferencianan politico. Talento tin pa sobra na Aruba. Nos hendenan por logra cualkier meta y bati cualkier contrincante of obstaculo cu nos ta haya nos dilanti.